

四庫全書

集部

欽定四庫全書

御定全唐詩卷一百二

武平一

武平一名甄以字行后族潁川郡王載德子博學通春秋后在時畏禍不與事隱嵩山修浮屠法屢詔不應中宗復位平一居母喪迫召為起居舍人丐終制不許景龍二年兼修文館直學士遷考功員外郎雖預宴遊嘗因詩規戒明皇初貶蘇州參軍徙金壇令既謫名亦不

哀開元末卒詩一卷

妾薄命

有女妖且麗，衰回湘水渚。水渚蘭杜芳，採之將寄誰。瓠犀發皓齒，雙蛾顰翠眉。紅臉如開蓮，素膚若凝脂。綽約多逸態，輕盈不自持。嘗矜絕代色，復恃傾城姿。子夫前入侍，飛燕復當時。正悅掌中舞，寧哀團扇詩。洛川昔云遇，高唐今尚違。幽閣禽雀噪，閒階草露滋。流景一何速，年華不可追。解佩安所贈，怨咽空自悲。

奉和登驪山高頂寓目應制

鑿輿上碧天，翠帟拖晴煙。絕夢紆仙徑，層巖敞御筵。雲披丹鳳闕，日下黑龍川。更覩南熏奏，流聲入管絃。

幸梨園觀打毬應制

令節重遨遊，分鑣應綵毬。驂驛迴上苑，蹀躞繞通溝。影就紅塵沒，光隨赭汗流。賞闌清景暮，歌舞樂時休。

奉和幸白鹿觀應制

玉府凌三曜，金壇駐六龍。綵旒懸倒景，羽蓋偃喬松。玄

圃靈芝秀華池瑞液濃
謬因沾舜渥一作聖澤長願奉堯封

侍宴安樂公主新宅應制

紫漢秦樓敞黃山魯館開
簪裾分上席歌舞列平臺
馬既如龍至人疑學鳳來
幸茲一作忻聯棣萼何以接鄒枚

送金城公主適西蕃

廣化三邊靜通煙四海安
還將膝下愛特副域中歡
聖念飛玄藻仙儀下白蘭
日斜征蓋沒歸騎動鳴鸞

奉和幸新豐溫泉宮應制

秦王登碣石周后襲崑崙何必在遐遠方稱萬寓尊我
皇順時豫星駕動軒轅雄戟交馳道清笳度國門回輿
長樂觀校獵上林園行漏移三象連營總八屯旌搖鸚
鵡谷騎轉鳳皇原絕壁蒼苔古靈泉碧溜溫參差開水
殿窈窕敞巖軒一作垣豐邑模猶在驪宮迹尚存煙松街
翠幄雪徑逶花源侍從推玄草文章召虎賁深仁浹夷
夏洪造溢乾坤謬忝王枚列多慙雨露恩

奉和韋韋嗣立山莊侍宴應制

三光回斗極萬騎肅鉤陳地若遊汾水畋疑歷涓濱圓
塘水寫鏡遙樹露成春弦奏魚聽曲機忘鳥狎人築巖
思感夢碻石想垂綸落景搖紅壁層陰結翠筠素風紛
可尚玄澤藹無垠薄暮清笳動天文煥紫宸

一作北辰

興慶池侍宴應制

鑿輿羽駕直城隈帳殿旌門此地開皎潔靈潭圖日月
參差畫舸結樓臺波搖岸影隨橈轉風送荷香逐酒來
願奉聖情歡

一作常

不極

一作皇歡

長遊雲漢幾昭回

奉和立春內出綵花樹應制

鑿輅青旂下帝臺
曩郊上苑望春來
黃鶯未解林間囀
紅藥先從殿裏開
畫閣條風初變柳
銀塘曲水半含苔
欣逢睿藻光韶律
更促霞觴畏景催

奉和正旦賜宰臣栢葉應制

綠葉迎春綠寒枝
歷歲寒願持栢葉壽
長奉萬年歡

遊涇川琴溪

環潭澄曉色
疊嶂照秋影
幽致忻所逢
紛慮自茲屏

夜宴安樂公主宅

王孫帝女下仙臺，金榜珠簾入夜開。
遽惜瓊筵歡正洽，唯愁銀箭曉相催。

奉和聖製幸常嗣立山莊應制

鳴鑿赫奕下重樓，羽蓋逍遙向一丘。
漢日唯聞白衣寵，唐年更覩赤松遊。

餞唐永昌

聞君墨綬出丹墀，雙鳥飛來佇有期。
寄謝銅街攀柳日，

無忘粉署握蘭時

御定全唐詩卷一百二

欽定四庫全書

御定全唐詩卷一百三

趙彥昭

趙彥昭字真然甘州張掖人少豪邁風骨秀爽及進士
第調南部尉歷左臺監察御史中宗景龍中累遷中書
侍郎同中書門下平章事睿宗立出為宋州刺史入為
吏部侍郎遷刑部尚書封耿國公尋貶江州別駕卒編
詩一卷

奉和聖製立春日侍宴內殿出剪綵花應制

剪綵迎初候，攀條故寫真。
花隨紅意發，葉就綠情新。
嫩色驚銜燕，輕香誤採人。
應為熏風拂，能令芳樹春。

奉和人日清暉閣宴羣臣遇雪應制

出震乘東陸，憑高御北辰。
祥雲應早歲，瑞雪候初旬。
庭一作宮樹千花發，階棠七葉新。
幸承今日宴，長奉萬年春。

奉和七夕兩儀殿會宴應制

青女三秋節，黃姑七日期。
星橋度玉珮，雲閣掩羅帷。
河

氣通仙掖天文入睿詞
今宵望靈漢應得見蛾眉

奉和九日幸臨渭亭登高應制

秋豫凝仙覽宸遊轉翠華
呼鷹下烏路戲馬出龍沙
紫菊宜新壽丹萸辟舊邪
須陪長久宴歲歲奉吹花

奉和九月九日登慈恩寺浮屠應制

出豫乘秋一作佳節登一作憑高陟梵宮
皇心滿塵界佛跡

現虛空日月宜長壽
人天得大通喜聞題寶偈
受記莫

由同

安樂公主移入新宅侍宴應制同用開字

雲物中京曉天人外館開飛橋象河漢懸榜學蓬萊北

闕臨仙檻南山送壽杯一窺輪奐畢慚慙一作更思棟梁材

奉和送金城公主適西蕃應制

一作崔日用詩

聖后經綸遠謀臣計畫多受降追漢策築館許戎和俗
化烏孫壘春生積石河六龍今出餞雙鶴願為歌

奉和聖製登驪山高頂寓目應制

皇情遍九垓御輦駐昭回路若隨天轉人疑近日來河

看大禹鑿山見巨靈開願扈登封駕常持薦壽杯

奉和韋白鹿觀應制

雲駮驅半景星蹕坐中天國誕玄

一作元

宗聖家尋碧落

仙玉杯鸞薦壽寶奠鶴知年一觀光華旦欣承道德篇

哭僕射鄂公楊再思

兩揆光天秩三朝奉帝熙何言集大鳥忽此喪元龜坐

歎公槐落行聞宰樹悲

一作萎

壑舟今已去寧有濟川期

人日侍燕大明宮應制

寶契無為屬聖人
瑀輿出幸玩芳辰
平樓半入南山霧
飛閣旁臨東壑一作野
春夾路穠花千樹發
垂軒弱柳萬條新
處處風光今日好
年年願奉屬車塵

奉和初春幸太平公主南莊應制

又見韋嗣立詩

主第巖扃駕鵲橋
天門閭闔降鸞鑣
歷亂旌旗轉雲樹
參差臺榭入煙霄
林間花雜平陽舞
谷裏鶯和弄玉簫
已陪沁水追歡日
行奉茅山訪道朝

奉和幸安樂公主山莊應制

六龍齊軫御朝曦
雙鷁維舟下綠池
飛觀仰看雲外聳
浮橋直見海中移
靈泉巧鑿天孫渚
孝筍能抽帝女枝
幸願一生同草樹
年年歲歲樂於斯

奉和幸大薦福寺

寺乃中宗舊宅

寶

一作瑞
一作初

地龍飛後金

一作今

身佛現時千花開
國界萬

善累皇

一作重

基北闕承行幸
西園屬住持
天衣拂舊石

王舍起新祠
剎鳳迎瑀輦
幡虹駐綵旗
同沾小雨潤
竊

仰

一作仰詠

大風詩

奉和幸長安故城未央宮應制

夙駕移天蹕，憑軒覽漢都。
寒煙收紫禁，春色繞黃圖。
舊史遺陳迹，前王失霸符。
山河寸土盡，宮觀尺椽無。
崇高惟在德，壯麗豈為謨。
茨室留皇鑒，熏歌盛有虞。

奉和幸韋嗣立山莊侍燕應制

賢族唯題里，儒門但署鄉。
何如表巖洞，宸翰發輝光。
地在茲山曲，家臨郤水陽。
六龍駐旌罕，四牡耀旂常。
北斗臨台座，東山入廟堂。
天高羽翼近，主聖股肱良。
野竹池

亭氣村花澗谷香
縱然懷豹隱
空愧躡鵷行

奉和元日賜羣臣栢葉應制

器乏雕梁器材非構厦材
但將千歲葉常奉萬年杯

苑中人日遇雪應制

始見青雲干律呂
俄逢瑞雪應陽春
今日迴看上林樹
梅花柳絮一時新

奉和聖製幸韋嗣立山莊應制

廊廟心存巖壑中
鑿輿矚在灞城東
逍遙自有蒙莊子

漢主徒言河上公

秋朝木芙蓉

水面芙蓉秋已衰
繁條偏是著花遲
平明露滴垂紅臉
似有朝愁暮落時

侍宴桃花園詠桃花應制

紅萼競燃

一作妍

春苑曙粉茸新吐

一作向

御筵開長年願

奉西王母

一作宴

近侍慚無東朔才

御定全唐詩卷一百三

欽定四庫全書

御定全唐詩卷一百四

蕭至忠

蕭至忠德言曾孫少為畿尉以清謹稱神龍初自吏部員外擢御史中丞遷吏部侍郎掌選事請謁杜絕尋遷中書侍郎兼中書令睿宗立出為晉州刺史先天二年復為中書令與竇懷貞魏知古崔湜陸象先徐堅等撰姓族系錄二百卷書成加爵後坐附太平公主伏誅詩

九首

奉和九日幸臨渭亭登高應制得餘字

望幸三秋暮登高九日初朱旗巡漢苑翠帟俯秦墟籠

極萸房

一作香

遍恩深菊耐餘承歡何以荅萬億奉

一作俯

宸居

奉和九月九日登慈恩寺浮圖應制

天蹕三乘啟星輿六轡行登高凌寶塔極目徧王城神
衛空中遶仙歌雲外清重陽千萬壽率舞頌昇平

奉和韋安樂公主山莊應制

西郊窈窕鳳皇臺，北渚平明法駕來。匝地金聲初度曲，

周堂玉溜好。

一作且一作始

傳杯灣路分，遊畫舟轉岸。

一作門

相向碧亭開，微臣此時承宴樂。髣髴疑從

一作尋

星漢迴。

送張亶赴朔方應制

以下六首一作劉憲詩

命將擇耆年，圖功勝必全。光輝萬乘餞，威武二庭宣。中

衢橫鼓角，曠野蔽旌旃。推食天廚至，投醪御酒傳。涼風

過鴈苑，殺氣下雞田。分閫恩何極，臨歧動睿篇。

陪幸長寧公主林亭

公主林亭地清晨降玉輿畫橋飛渡水仙閣迥臨虛新
晴看蛺蝶早夏摘芙蓉文酒娛遊盛忻叨侍從餘

陪幸五王宅

北斗樞機任西京肺腑親疇昔王門下今茲制幸晨恩
來山水被聖作管弦新遠座薰紅藥當軒暗綠筠摘荷
纔早夏聽鳥尚餘春行漏金徒曉風煙是觀津

三會寺應制

宮堯倉史臺敞朗紺園開戒旦壺人警翻霜羽騎來下
輦登三襲褰旒望九垓林披館陶勝水浸昆明灰網戶
飛花綴幡竿度鳥迴豫遊仙唱動瀟灑出塵埃

薦福寺應制

地靈傳景福天駕儼鉤陳佳哉藩邸舊赫矣梵宮新香
塔魚山下禪堂鴈水濱珠幡映白日鏡殿寫青春甚懽
延故吏大覺拯生人幸承歌頌末長奉屬車塵

陪遊上苑遇雪

龍驂曉入望春宮
正逢春雪舞春風
花光併在天文上
寒氣行銷御酒中

李迥秀

李迥秀字茂之涇陽人
初為相州參軍後累官鳳閣舍
人長安中同平章事中宗朝終兵部尚書卒贈侍中詩
四首

奉和九日幸臨渭亭登高應制得風字

重九臨商節
登高出漢宮
正逢萸實滿
還對菊花叢
霽

雲開就日

一作
曉色

仙藻麗秋風微臣預在鎬竊抃遂無窮

奉和九月九日登慈恩寺浮圖應制

沙界人王塔金繩梵帝遊言從祇樹賞行翫菊叢秋御

酒調甘露天花拂

一作
亂

綵旒堯年將

一作
持

佛日同此慶

時休

奉和幸安樂公主山莊應制

詰旦重門闢

一作
開

警蹕傳言太主奏

一作
奉

山林是日迴

輿羅萬

一作
百

騎此時歡喜賜千金鷺羽鳳簫參樂曲荻

園竹徑接帷陰手舞足蹈方無已萬年千歲奉一作奏薰

琴

夜宴安樂公主宅

金榜峒堯雲裏開玉簫參差天際迴莫驚側弁還歸路
祇為平陽歌舞催

楊廉

一作庶

楊廉自省郎為給事中詩二首

奉和九日幸臨渭亭登高應制得亭字

遠目瞰秦垵重陽坐灞亭既開黃菊酒還降紫微星簫
鼓譜一作仙曲山河入畫屏幸茲陪宴喜無以效丹青

奉和九月九日登慈恩寺浮圖應制

萬乘臨真境重陽眺遠空慈雲浮雁塔定水映龍宮寶
鐸含殿響仙輪帶日紅天文將瑞色輝煥滿寰中

韋安石

韋安石京兆萬年人舉明經久視中以鸞臺侍郎同鳳
閣鸞臺平章事數折辱二張三思復相中宗不附太平

公主睿宗時為姜皎所搆貶卒詩三首

奉和九日幸臨渭亭登高應制得枝字

重九開秋節得一動宸儀金風飄菊藥玉露泣萸枝睿

覽八紘外天文七曜披臨深應在即居高豈忘危

紀事云中

宗九日登高應制二十四人韋安石蘇瓌詩先成于經野盧懷慎詩後成時景龍三年也

侍宴旋師喜捷應制

蜂蟻屯夷落熊羆逐漢飛忘軀百戰後屈指一年歸厚

眷紓天藻深慈解御衣興酣歌舞出朝野歎光輝

梁王宅侍宴應制同用風字

梁園開勝景

一作境

軒駕動宸衷
早荷承湛露
脩竹引薰

風九醞傾鍾石
百獸協絲桐
小臣陪宴鎬
獻壽奉維嵩

竇希玠

竇希玠扶風人
中宗時為禮部尚書
開元初太子少傅
開府儀同三司
世為外戚貴盛
莫比詩一首

奉和九日幸臨渭亭登高應制得明

一作英字

鑾輿巡上苑
鳳駕瞰層城
御座丹烏麗
宸居白鶴驚
玉

旗紫桂葉金杯汎菊英九晨陪聖膳萬歲奉承明

陸景初

陸景初蘇州吳人宰相元方子景雲中與崔湜同知政
事睿宗以其能紹先業賜名象先詩一首

奉和九日幸臨渭亭登高應制得臣字

九秋光順豫重節霽良辰登高識漢苑問道侍軒臣菊
花浮柅鬯萸房插搢紳聖化邊陲謚長洲鴻雁賓

鄭南金

鄭南金中宗時人詩一首

奉和九日幸臨渭亭登高應制得日字

重陽玉律應萬乘金輿出風起韻虞弦雲開吐堯日菊
花浮聖酒茱香挂衰質欲知恩煦多順動觀秋實

李咸

李咸中宗時學士詩一首

奉和九日幸臨渭亭登高應制得直字

重陽乘令序四野開晴色日月數初并乾坤聖登極菊

黃迎酒泛松翠凌霜直遊海難為深負山徒倦力

趙彥伯

趙彥伯中宗時弘文館學士詩三首

奉和九日幸臨渭亭登高應制得花字

九日報仙家三秋轉歲華呼鷹下鳥路戲馬出龍沙
簪挂丹萸藥杯浮紫菊花所願同微物年年共辟邪

詩內
第三

四句與趙
彥昭同

從宴桃花園詠桃花應制

本趙彥
昭詩

紅萼競燃春苑曙
茸茸新吐御筵開
長年願奉西王讌
近侍慚無東朔才

苑中遇雪應制

千鍾聖酒御筵披
六出祥英亂逶枝
卽此神仙對瓊圃
何煩轍跡向瑤池

于經野

于經野中宗時為戶部尚書詩一首

奉和九日幸臨渭亭登高應制得樽字

御氣三秋節登高九曲門
桂筵羅玉俎菊醴溢芳樽
遵渚歸鴻度承雲舞鶴騫
微臣濫陪賞空荷聖明恩

盧懷慎

盧懷慎滑州人第進士歷監察御史遷右御史臺中丞
黃門侍郎開元初進同紫微黃門平章事卒謚文成詩
二首

奉和九日幸臨渭亭登高應制得還字

時和素秋節宸豫紫機闈
鶴似聞琴至人疑宴鎬還
曠

望臨

一作迷

平野潺湲俯暝灣，無因酬大德空此媿。崇班


奉和聖製龍池篇

代邸東南龍躍泉

一作或躍

清漪碧浪遠浮天，樓臺影就波

中出，日月光疑鏡裏懸。雁沼回流成舜海，龜書薦社應
堯年。大川既濟慙為楫，報德空思奉細涓。



御定全唐詩卷一百四

欽定四庫全書

御定全唐詩卷一百五十四

集部

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣金光燁

謄錄監生臣秦朴

欽定四庫全書

御定全唐詩卷一百五

辛替否

辛替否字協時京兆萬年人景龍中為左拾遺以直諫
名睿宗朝遷右臺殿中侍御史開元中終潁王府長史
詩一首

奉和九月九日登慈恩寺浮圖應制

洪慈均動植至德俯深玄出豫從初地登高適梵天白

雲飛御藻慧日暖

一作暖

皇編別有秋原藿長傾雨露緣

王景

王景太原人為司門員外郎萊州刺史詩一首

奉和九月九日登慈恩寺浮圖應制

玉輦移中禁珠梯覽四禪重階清漢接飛竇紫霄懸綴
葉披天藻吹花散御筵無因鑿蹕暇俱舞鶴林前

畢乾泰

畢乾泰景龍時人詩一首

奉和九月九日登慈恩寺浮圖應制

鸚林花塔啟鳳輦順時遊重九
昭皇慶大千揚帝休者
闕妙法闡王舍睿文流至德
覃無極小臣歌詎酬

麴瞻

麴瞻景龍時人詩一首

奉和九月九日登慈恩寺浮圖應制

扈蹕遊玄地陪仙瞰紫微似邁
銖衣劫將同羽化飛雕
戈秋日麗寶劍曉霜霏獻觴
乘菊序長願奉天暉

樊忱

樊忱神龍初為地官侍郎詩一首

奉和九月九日登慈恩寺浮圖應制

淨境重陽節仙遊萬乘來
插萸登鷲嶺把菊坐蜂臺
十地祥雲一作煙合三天
瑞景開秋風詞更遠
竊抃樂康哉

孫佺

孫佺字麟德汝州人宰相處約子中宗時為幽州都督

詩一首

奉和九月九日登慈恩寺浮圖應制

應節萸房

一作香

滿初寒菊圃新龍旗煥辰極鳳駕儼香

闈蓮井偏宜夏梅梁

一作渠

更若春一忻陪鴈塔還似得

天身

李從遠

李從遠景龍時人詩一首

奉和九月九日登慈恩寺浮圖應制

九月從時豫三乘為法開中霄日天子半座寶如來摘

果珠盤獻攀莖玉輦迴願將塵露點遥奉光明臺

周利用

周利用中宗時與御史大夫鄭惟忠同送金城公主和

蕃詩一首

奉和九月九日登慈恩寺浮圖應制

出豫乘金節飛文煥日宮萸房開聖酒杏一作菊苑被一作柰

玄功塔向三天迴禪一作池收一作將八解空叨恩奉蘭藉

終愧洽薰風

張景源

張景源中宗時官補闕詩一首

奉和九月九日登慈恩寺浮圖應制

飛塔凌霄起宸遊一屆焉金壺新泛菊寶座即披蓮就
日搖香輦憑雲出梵天祥氛與佳色相伴雜鑪煙

李恒

李恒進士第官安陽令詩一首

奉和九月九日登慈恩寺浮圖應制

寶地隣

一作臨

丹掖香臺瞰碧雲河

一作關

山天

一作江

外出

城闕樹中分
睿藻蘭英秀
仙杯菊蕊薰
願將今日樂
長奉聖明君

張錫

張錫武城人文
琮子則天時
為鳳閣侍郎
同平章事
請還廬陵王
坐流循州
韋后臨朝
復相旬日
出刺絳州
詩二首

奉和九月九日登慈恩寺浮圖應制

九秋霜景淨千門
曉望通仙遊光御路
瑞塔迴凌空菊
彩揚堯日黃香透

一作入

舜風天文麗辰象竊拊仰層宮

晦日宴高文學林亭

同用華字

雪盡銅駝路花照石崇家
年光開柳色池影汎雲華
賞洽情方遠春歸景未賒
欲知多暇日尊酒漬澄霞

解琬

解琬魏州元城人中幽素科調新政尉除監察御史習
邊事景龍中遷御史大夫兼朔方行軍大總管守邊積

二十年開元中終同州刺史詩二首

奉和九月九日登慈恩寺浮圖應制

瑞塔臨初地金輿幸上方空邊有清淨覺處無馨香雨
霽微塵斂風秋定水涼茲辰米仙菊薦壽慶重陽

晦日宴高氏林亭

同用
華字

主第簪裾出玉畿春照華山亭一以眺城闕帶煙霞橫
堤列錦帳傍浦駐香車歡娛屬晦節酌酎未還家

御定全唐詩卷一百五

欽定四庫全書

御定全唐詩卷一百六

鄭愔

鄭愔字文靖滄州人年十七進士擢第天后時張易之兄弟薦為殿中侍御史易之敗貶宣州司戶既而附武三思累遷吏部侍郎後預譙王重福謀被誅詩一卷

侍宴長寧公主東莊應制

公門襲漢環

一作佩

主第稱秦玉池架祥鱣序

一作字

山吹

鳴鳳曲拂席蘿薜垂迴舟菱荷觸平陽妙舞處日暮清
歌續

采蓮曲

錦絳一作
機沙棠艦羅帶石榴裙綠潭采荷菱清江日稍

曛魚鳥爭唼喋花葉相芬氲不覺芳一作
湘洲暮菱一作
棹

歌處處聞

夜遊曲

漢室歡娛盛魏國文雅道許史多暮宿應陳從夜遊西

園讌公子北里召王侯詎似將軍獵空嗟亭尉留

少年行

潁川豪橫客咸陽輕薄兒田實方貴幸趙李新相知軒
蓋終朝集笙竽此夜吹黃金盈篋筇白日忽西馳

中宗降誕日長寧公主滿月侍宴應制

春殿猗蘭美仙階柏樹榮地逢芳節應時觀聖人生月
滿增祥莢天長發瑞靈南山遙可獻常願奉皇明

奉和幸上官昭容院獻詩四首

地軸樓居遠天台闕路賒何如遊帝宅即此對仙家座

拂金壺電池搖玉酒霞無云

一作勞

秦漢隔別訪武陵花

堯茨

一作祠

姑射近漢苑建章連十五莫知月三千桃紀

年鷲

一作鷲

歌隨鳳吹鶴舞向鷗弦更覓瓊妃伴來過玉

女泉

宮掖賢才重山林高尚難不言辭輦地更有結廬歡池
棟清溫燠巖牕起沍寒幽亭有仙桂聖主萬年看

槎流天上轉茅宇禁中開河鵲填橋至山熊避檻來庭

花采菜蓐巖石步莓苔願奉輿圖泰長開錦翰裁

送金城公主適西蕃應制

下嫁戎庭遠和親漢禮優
笳聲出虜塞簫曲背秦樓
貴主悲黃鶴征人怨紫騮
皇情眷億兆割念俯懷柔

奉和幸望春宮送朔方大總管張仁亶

御蹕下都門軍麾出塞垣
長楊跨武騎細柳接戎軒
睿曲風雲動邊威鼓吹喧
坐帷將闔外俱是報明恩

奉和九月九日登慈恩寺浮圖應制

湧霄開寶塔倒影駐仙輿
鴈子乘堂處龍王起藏初
秋風聖主曲佳氣史官書
願獻重陽壽承歡萬歲餘

銅雀妓

日斜漳浦望風起鄴臺寒
玉座平生晚金尊妓吹闌舞
餘依帳泣歌罷向陵看蕭
索松風暮愁煙入井闌

胡笳曲

漢將留邊朔遙遙歲序深
誰堪牧馬思正是胡笳吟
曲斷關山月聲悲雨雪陰
傳書問一作蘇武陵也獨何心

折楊柳

青柳映紅顏黃雲蔽紫闌
忽聞邊使出枝葉為君攀
舞腰愁欲斷春心望不還
風花滾成雪羅綺亂斑斑

秋閨

征客向輪臺幽閨寂不開
音書秋鴈斷機杼夜蛩催
虛幌風吹葉間堦露濕苔
自憐愁思影常共月徘徊

人日重宴大明宮恩賜綵縷人勝應制

瓊殿含光映早輪玉鸞嚴蹕望初晨
池開凍水仙宮麗

樹發寒花禁苑新佳氣裊回籠細網殘雲浙瀝染輕塵
良時荷澤皆迎勝窮谷晞陽猶未春

奉和春日幸望春宮

晨蹕凌高轉翠旌春樓望遠背朱城忽排花上遊天苑
却坐雲邊看帝京百草香心初冒蝶千林嫩葉始藏鶯

幸同葵

一作
微

藿傾陽早願比盤根應候榮

奉和幸三會寺應制

寺傳蒼頡
造書臺

鳥籀遺新閣龍旂訪古臺造書臣頡往觀跡

一作
籍

帝羲

來睿覽

一作法界

山川匝宸心宇宙該梵音隨駐輦天步接

乘杯舊苑經寒露殘池問劫灰散花將捧日俱喜聖慈

一作開

奉和幸大薦福寺

寺即中宗舊宅

舊邸三乘闕佳辰萬騎留蘭圖奉葉偈芝蓋拂花樓國
會人王法宮還天帝遊紫雲成寶界白水作禪流鴈塔

昌基遠鸚林睿藻

一作蕙草

抽欣承大風曲竊預小童謳

同韋舍人早朝

瑞闕龍居峻宸庭鳳掖深才良寄天綈趨拜侶朝簪飛
馬看來影喧車識駐音重軒輕霧入洞戶落花侵聞有
題新翰依然想舊林同聲慙卞玉謬此托韋金

塞外三首

塞外蕭條望征人此路賒邊聲亂朔馬秋色引

一作動胡

笳遙嶂侵歸日長城帶晚霞斷蓬飛古戍連鴈聚寒沙
海暗雲無葉山春雪作花丈夫期報主萬里獨辭家

荒壘三秋夕窮郊萬里平海陰凝獨樹日

一作月

氣下連

營戎旆霜旋

一作疑

重邊裘夜更輕將軍猶轉戰都尉不

成名折柳悲春曲吹笳斷夜聲明年漢使返須築受降

城

陽鳥南飛夜陰山北地寒漢家征戍客年歲在樓蘭玉

塞

一作關

朔風起金河秋月團邊聲入鼓吹霜氣下旌竿

海外歸書斷天涯旅鬢殘子卿猶奉使常向節旄看

春怨

春朝物候妍愁婦鏡臺前風吹數蝶亂露洗百花鮮試

出塞羅幌還來著錦筵曲中愁夜夜樓上別年年不及
隨蕭史高飛向紫煙

貶降至汝州廣城驛

近郊憑汝海遐服指江干尚憶趨朝貴方知失路難曙
宮平樂遠秋澤廣城寒岸葦新花白山黎晚葉丹鄉闕
千里暮歲序四時闌函塞雲間別旋門霧裏看夙年追
騷驥暮節仰鸞鷲疲駕勞垂耳騫騰一作飛詎矯翰將調
梅鉉實不正李園冠荆玉終無玷隨珠忽已彈曉裝違

鞏洛夕夢在長安北上頻傷阮西征未學潘傾車無共
轍同派有殊瀾去去懷知己何由報一餐

哭郎著作

詩禮康成學文章賈誼才已年人得夢庾日鳥為災書
草藏天閣琴聲入夜臺荒階羅馭蘚虛座網一作滿浮埃

白馬賓徒散青烏隴隧開空憐門下客

一作悲涼
門館下

懷舊

幾遲迴

詠黃鶯兒

欲轉聲猶澀將飛羽未調高風不借便何處得遷喬

百舌

百舌鳴高樹弄音無常則借問聲何煩未俗不尚默

欽定四庫全書

御定全唐詩卷一百七

源乾曜

源乾曜相州臨漳人舉進士景雲中累遷諫議大夫開元初以太常卿姜皎薦拜少府少監兼邠王府長史尋遷戶部侍郎轉尚書左丞擢黃門侍郎同平章事進位侍中後拜尚書左丞相與張嘉貞張說相次知政事終太子少傅詩四首

奉和聖製送張說上集賢學士賜宴

賦得
迎字

盛業光書府徵人盡國英

一作
司

綸賢得相羣俊學為

名寵命垂天錫崇恩發睿情熏風清禁籞文殿述皇明

日霽庭陰出池曛

一作
新

水氣生歡娛此無限詩酒自相

迎

奉和御製乾曜與張說宋璟同日上官命宴都

堂賜詩

睿作超千古湛恩育萬人
遞遷俱

一作
齊

荷澤同拜忽為

鄰道合

一作洽

徽音

一作音徽

暢芳辰

一作馳

景命新鼓鐘崇享

禮鸞鷲集朝倫竊位思官謗凋容謝木春慙多無以敘

拙備實

一作實固

難陳進綬

一作級

懷三少承光盡百身自當

歸第日何幸列宮臣

奉和聖製送張尚書巡邊

匈奴邇河朔漢地須

一作復

戎旅天子擇英才朝端出監

撫流星下閭闔寶鉞專公輔禮物生光輝宸章

一作意

脩

恩詔有征視

一作是

矛戟制勝唯樽俎彼美何壯哉桓桓

擅斯舉聲華振臺閣功德標文武奉國知命輕忘家以
身許安人在勤恤保大殫襟腑此外無異言同情報明
主

禪社首樂章

靈具醉杳熙熙靈將往眇禔禔願明德吐正詞爛遺光
流禎祺

徐堅

徐堅字元固湖州人舉進士聖歷中為東都留守判官

專主表奏王方慶稱為掌綸誥之選楊再思亦曰此鳳閣舍人樣與徐彥伯劉知幾張說同修三教珠英構意撰錄具有條流書成遷司封員外郎中宗時為給事中睿宗朝自刑部侍郎拜散騎常侍開元中改麗正書院為集賢院以堅為學士副張說知院事堅多識典故前後修撰格式氏族及國史等凡七八書府又討集前代文詞故實為初學記堅與父齊眇俱以詞學著聞長姑為太宗充容次姑為高宗僖仔並有文藻議者方之漢

世班氏集三十卷今存詩九首

奉和聖製送張說赴集賢院學士賜宴賦得虛

字

崇文德化洽新殿集賢初庸菲叅高

一作嘉

選首濫承明

廬殊私光輔弼榮送列簪裾座引中厨饌杯鋤上尊餘
翠葉濃丹苑晴空卷碧虛忝同文史地願草登封書

奉和聖製送張說巡邊

至德撫遐荒神兵赴朔方帝思元帥重爰擇股肱良累

相承安世

一作開地

深籌協子房寄崇專斧鉞禮備設壇場

鼙鼓喧雷電戈劔凜風霜四駢

一作黃

將戒道十乘啓先

行聖錫

一作賜

加恒數天文耀寵光出郊開帳飲寅餞盛

離章雨濯梅林潤風清

一作秋

麥野涼燕山應勒頌麟閣

佇名揚

奉和送金城公主適西蕃應制

星漢下天孫車服降殊蕃匣中詞易切馬上曲虛繁關
塞移朱帳風塵暗錦軒蕭聲去日遠萬里望河源

餞許州宋司馬赴任

舊許星車轉神京祖帳開斷煙傷別望零雨送離杯
辭燕依空遶賓鴻入聽哀分襟與秋氣日夕共悲哉

餞唐永昌

郎官出宰赴伊瀍征傳駸駸灞水前此時悵望新豐道
握手相看共黯然

送考功武負外學士使嵩山置舍利塔歌

伊川別騎灞岸分筵對三春之花月覽千里之風煙望

青山兮分地見白雲兮在天寄愁心於樽酒愴離緒於清弦共握手而相顧各銜一作悽而黯然

權歌行

權女飾銀鈎新妝下翠樓霜絲青桂檝蘭棹紫霞舟水落金陵曙風起洞庭秋扣舷過曲浦飛帆越回流影入桃花浪香飄杜若洲洲長殊未返蕭散雲霞晚日下大江平煙生歸岸遠岸遠聞潮波爭途遊戲多因聲趙津女來聽採菱歌

送武進鄭明府

絃歌試宰日城闕賞心違
北謝蒼龍去南隨黃鵠飛
夏雲海中出吳山江上微
眊謠豈云遠從此慶緇衣

儀坤廟樂章

於穆清廟肅雍嚴祀合福受釐介以繁祉

源光裕

源光裕乾曜從孫累官中書舍人
刪定開元新格進尚書左丞
終鄭州刺史詩一首

祭汾陰樂章

方丘既膳嘉饗載謚齋敬畢誠陶匏貴質秀畢豐薦芳

一作俎盈實永永福流其升如日

御定全唐詩卷一百七

欽定四庫全書

御定全唐詩卷一百八

李元紘

李元紘字大綱京兆萬年人本姓丙氏曾祖榮率衆歸高祖因賜姓元紘初為雍州司戶太平公主占民碾磴元紘斷還民雍州長史竇懷貞懼勢促令改斷元紘大署判後曰南山可移此斷不可搖開元初擢京兆尹帝欲用為尚書執政以其資淺乃拜戶部侍郎尋進中書

侍郎同中書門下平章事元紘當國峻崖檢抑奔競家
無儲積宋璟嘗稱之詩三首

奉和聖製送張說上集賢學士賜宴賦得私字

碩儒延鳳沼金馬被鴻私饌玉趨一作迴丹禁牋花降

紫墀銜恩傾旨酒鼓舞詠康時暫覲一作搆羣書緝逾昭

盛業丕接筵欣有命擗管媿無詞自驚一何幸太陽還
及葵

綠墀怨

征馬噪金珂
嫖姚向北河
綠苔行跡少
紅粉淚痕多
寶屋粘花絮
銀箏覆網羅
別君如昨日
青海雁頻過

相思怨

望月思氛氲
朱衾嬾更熏
春生翡翠帳
花點石榴簷
燕語時驚妾
鶯啼轉憶君
交河一萬里
仍隔數重雲

裴灌

裴灌絳州聞喜人
應大禮舉累官
監察御史三遷
中書舍人開元中
拜吏部侍郎
典選數年多
所甄拔再轉黃

門侍郎准早與張說善說為相數薦之准長於敷奏上亦自嘉重由是擢為吏部尚書太子賓客詩四首

奉和聖製送張說上集賢學士賜宴

賦得昇字

問道圖書盛尊儒禮教興石渠因學廣金殿為賢昇日月恩光照風雲寵命膺謀謨言可範舟楫事斯憑宴喜明時洽光輝湛露凝大哉堯作主天下頌歌稱

奉和御製旋師喜捷

殊類驕無長王師示有征中軍纔受律妖寇已亡精斬

虜還避塞綏降更築城從來攻必克天策振奇兵

奉和御製平胡

玄漠聖恩通由來書軌同忽聞窺月滿相聚寇雲中廟
略占黃氣神兵出絳宮將軍行逐虜使者亦和戎一舉

輓輜滅

一作減

再麾沙漠空直將威禁暴非用武為雄飲

至明軍禮疇勳錫武功干戈還載戢文德在唐風

奉和聖製龍池篇

第十
章

乾坤啓聖吐龍泉泉年年勝一年始看魚躍方成海

即觀飛龍利在天洲渚遙將銀漢接樓臺直與紫微連
休氣榮光恒不散懸知此地是神仙

劉昇

劉昇德威之後能文章善草隸官中書舍人詩一首

奉和聖製送張說上集賢學士賜宴

賦得
賓字

圖書應明主策府宴嘉賓台曜臨東壁乾光自北辰網
羅窮象繫迷作究天人聖酒千鍾洽仙廚百味

一作
品陳

成山徒可仰涉海詎知津幸逢文教

一作
雅

盛還觀頌聲

新

蕭嵩

蕭嵩梁宣帝裔孫初與陸象先為僚壻象先相門子嵩
尚未入仕相者曰陸郎十年內位極人臣然不及蕭郎
一門盡貴官嵩多壽景雲元年嵩為醴泉尉時象先已
為中書侍郎引為監察御史驟遷殿中開元初拜中書
舍人與王丘齊澣同列未之異獨姚崇許其致遠三遷
尚書左丞尋以兵部尚書節度河西以破吐蕃功入為

中書令遙領河西節度終太子太師年八十餘子衡尚
新昌公主以三品就養時論榮之詩二首

奉和聖製送張說上集賢學士賜宴

賦得
登字

帝曰

一作
日

簡才能旌賢在股肱文章體一變禮樂道逾

弘芸閣英華入賓門鵷鷺登恩筵

一作
筵

過所望聖澤實

超恒夏葉開紅藥

一作
藥

餘花發紫藤微臣亦何幸叨此

預文明

奉和御製左丞相說右丞相璟太子少傅乾曜

同日上官命宴都堂賜詩

審官思共理多士屬惟唐

一作誰當

歷選台庭舊來熙帝業

昌入朝師百辟論道協三光垂拱咨元老親賢輔少陽

登庸崇

一作崇榮

禮送寵德耀宸章御酒飛觴洽仙闈雅樂

張荷恩思有報陳力媿無良願罄公忠節同心奉我皇

韋抗

韋抗安石從父兄子弱冠舉明經累官吏部郎中以清
謹著稱遷御史中丞開元中自左庶子出為益州長史

入拜黃門侍郎終刑部尚書所薦梁昇卿王倕王壽皆
為顯人詩一首

奉和聖製送張說上集賢學士賜宴

賦得
西字

廣庭臨辟沼多士侍金閨英宰文儒叶明君日月齊集
賢光首拜改殿一作賜發新題早夏初移律餘花尚拂溪
壺觴接雲上經術引闕西聖德鴻名遠將陪玉檢泥

李嵩

李嵩清河王孝節孫開元初汝州刺史入為太常少卿

三遷黃門侍郎兼太原尹仍充諸軍節度使俄拜工部
尚書東都留守持節使吐蕃既還金城公主請定漢蕃
界樹碑赤嶺以奉使稱職轉兵部尚書終太子少傅詩
一首

奉和聖製送張說上集賢學士賜宴

賦得
催字

偃武堯風接崇文漢道

一作
帝

恢集賢更內殿清選自中

台佐命留侯業詞華博物才天廚

一作
昊天

千品降御酒

一作

夏百壺催鵷鷺方成列神仙喜暫陪復欣同拜手叨此

頌良哉

韋述

韋述京兆人家有書二千卷兒時記覽皆徧綴文操牘
便就舉進士時甚少儀形眇小考功郎宋之問曰常學
士童年有何事業對曰性好著書之問曰本求異才果
得遷固開元中詔馬懷素編次圖書乃奏用元行冲齊
澣王珣吳兢并述等二十六人同於祕閣詳錄四部書
五年而成述好譜學又於柳冲姓族系錄外撰開元譜

二十卷張說引為集賢院直學士累遷尚書工部侍郎
在書府四十年居史職二十年勒成國史事簡記詳蕭
穎士以為譙周陳壽之流後陷賊流渝州卒詩四首

奉和聖製送張說上集賢學士賜宴

賦得
華字

修文中禁啓改字

一作
物

令名加台座徵人傑書坊應國

華賦詩開廣宴賜酒酌流霞雲散明金闕池開照玉沙
掖垣留宿鳥溫樹落餘花謬此天光及銜恩醉日斜

晚渡伊水

悠悠涉伊水伊水清見石是時春向深兩岸草如積迢
迢望洲嶼逶迤亘津陌新樹落疎紅遙原上深碧回瞻
洛陽苑遽有長山隔煙霧猶辨家風塵已為客登陟多
異趣往來見行役雲起早已昏鳥飛日將夕光陰逝不
借超然慕疇昔遠游亦何為歸來存竹帛

春日山莊

初歲開韶月田家喜載陽晚晴搖水態遲景蕩山光浦
淨漁舟遠花飛樵路香自然成野趣都使俗情忘

廣陵送別宋員外佐越鄭舍人還京

一本題止
還京二字

一作張

諤詩

朱紱臨秦望皇華赴洛橋文章南渡越書奏北歸朝樹
入江雲盡城銜海月遙秋風將客思川上晚蕭蕭

陸堅

陸堅河南洛陽人善書初為汝州參軍再遷通事舍人
以給事中兼學士初名友悌明皇嘉其剛正更賜名為
中書舍人以集賢學士供擬太厚議白罷之張說曰麗

正乃天子禮樂之司所費細而所益者大陸生之言蓋
未達耶帝知遂薄堅詩一首

奉和聖製送張說上集賢學士賜宴

賦得
今字

聖主崇文教層霄降德音尊賢澤既厚式宴寵逾深復
有夔龍相良哉簡帝心得人惟邁昔多士諒推今書殿
榮光滿儒門喜氣臨顧惟誠一作成一作濫吹徒此接衣簪

句

千秋節應制

風移單土宇雲上泱羣臣

海錄
碎事

程行謨

程行謨與鄆縣尉裴子餘同舍行謨以文法稱而子餘以儒顯長史陳崇業曰蘭菊異芬無可廢者詩一首

奉和聖製送張說上集賢學士賜宴

賦得
迴字

聖主崇文化鏘鏘得盛才相因歸夢立殿以集賢開象
繫微言闡詩書至道談充尊承帝澤禹膳自天來禮洽
歡逾長風恬暑更迴國朝將舜頌同是一康哉

褚琇

褚琇開元時人詩一首

奉和聖製送張說上集賢學士賜宴

賦得風字

講習延東觀趨陪盛北宮
惟師恢帝則敷教叶天工
宣室恩嘗異金華禮更崇
洞門清永日華綬接微

一作徽風

蕙降堯廚翠榴開舜酒
紅文思光萬宇高議待升中

裴光庭

裴光庭字連城絳州聞喜人
行儉之子母庫狄氏則天

時召入宮甚見親待光庭由是累遷太常丞以武三思
壻坐貶郢州司馬開元中擢兵部郎中從東封還拜中
書侍郎同平章事從謁諸陵拜侍中兼吏部尚書加弘
文館學士撰瑤山往則維城前規二篇獻之手制褒美
其為吏部因行儉長名榜為循資格并促選限任門下
省主事閻麟之專主選官每麟之裁定光庭隨而下筆
時人語曰麟之手光庭口博士孫琬以其用循資格非
獎勸之道謚為克詩一首

奉和御製左丞相說右丞相璟太子少傅乾曜

同日上官命宴都堂賜詩

時為兵部侍郎

樂賢聞往誥褒德偶茲辰端揆升元老師謀擇累仁紫
庭崇讓畢粉署禮容陳既荷恩榮舊俱承寵命新天文
懸瑞色聖酒汎華茵雜還喧一作陳簫鼓歡娛洽搢紳掖
垣招近侍虛薄側清塵共保堅貞節常期雨露均

宇文融

宇文融京兆萬年人明辨有吏幹開元初拜監察御史

充使搜括戶口奏置勸農判官十人分行天下頗擾人
不便進御史中丞出為魏州刺史請復九河舊道開稻
田以利人迴易陸運入為鴻臚卿兼戶部侍郎轉黃門
侍郎同中書門下平章事薦宋璟為右丞相裴耀卿許
景先為侍郎甚允朝廷之望未幾罷相坐事貶巖州卒
詩一首

奉和聖製左丞相說右丞相璟太子少傅乾曜
同日上官命宴都堂賜詩

申甫生周日宣慈舉舜年何如偶昌運比德邁前賢寵

獲

一作護

元良密榮瞻端揆遷職優三事老位在

一作極

百

僚先北極迴宸渥南宮飾御筵飛文瑤札降賜酒玉杯

傳謬列台衡重俱承雨露偏誓將同竭力相與効塵涓

紀事云融為張說所惡欲先事中傷說張九齡謂說融辯給多詐不可忽說曰狗鼠何能其後乃與崔隱甫廷勅說受賕事帝詔說致仕而出融詩有誓將同竭力相與効塵涓之語欣附說之辭也

崔沔

崔沔字善冲京兆長安人事親至孝應制舉高第俄被

黜落者所援則天令所司重試沔對策又工於前為天
下第一岑羲器之曰今之郗詵也特薦為左補闕開元
中拜中書侍郎出為魏州刺史徵還分掌十銓以清直
歷秘書監太子賓客沔深明禮經詳定宗廟籩豆之數
及六親服紀多所建議詩一首

奉和聖製同二相已下羣官樂游園宴

五日醜纜畢千年樂未央復承天所賜

一作錫

終宴國

一作

園之陽地勝春逾好恩深樂更張落花飛廣座垂柳拂

行

一作搖

觴庶尹陪三史

一作吏

諸侯具萬方酒酣同并躍

歌舞詠時康

崔尚

崔尚登久視六年進士第官祠部郎中詩一首

奉和聖製同二相已下羣臣樂游園宴

春日照長安皇恩寵庶官合錢承罷宴賜帛復追歡供

帳憑高列城池入迴寬花催相國醉

一作飲

烏和樂人彈

北闕雲中見南山樹杪看樂游宜締賞舞詠惜將闌

胡皓

胡皓開元中人張孝嵩出塞皓與張九齡韓休崔沔王翰賀知章撰送行詩號朝英集詩六首

奉和聖製同二相以下羣官樂游園宴

五酺終宴集三錫又歡娛仙阜崇高異神州眺覽殊南
山臨皓雪北闕對明珠廣座鵷鴻滿昌庭駟馬趨綺羅
含草樹一作木絲竹吐郊衢銜杯不能罷歌舞樂唐虞

奉和聖製送張尚書巡邊

燕公為漢將武德奉文思利用經戎莽英圖叶聖詒塞
沙制長策窮石卷搖旗萬里要相賀三邊又在茲稜威
方逐逐談笑坐怡怡寵餞紛郊道充廚竭御司嘗醪企
行邁聽樂罷漣沍袞旒垂翰墨纓鞋迭賦詩金山無積
阻玉樹有華滋請迨炎風暮歸旌候此時

和宋之問寒食題臨江驛

聞道山陰會仍為火忌辰途中甘棄日江上苦傷春流
水翻催淚寒灰更伴人丹心終不改白髮為誰新

出峽

巴東三峽盡曠望九江開楚塞雲中出荆門水上來魚
龍潛嘯雨鳧雁動成雷南國秋風晚客思幾悠哉

同蔡孚起居詠鸚鵡

一作襄
淮詩

鸚鵡殊姿致鸞皇得比肩常尋金殿裏每話玉階前賈
誼才方達揚雄老未遷能言既有地何惜為聞天

大漠行

單于犯薊堞虜騎略蕭邊南山木葉飛下地北海蓬根

亂上天科斗連營太原道魚麗合陣武威川三軍遙倚
伏萬里相馳逐旌旆悠悠靜潮源鞀鼓喧喧動盧谷窮
微出幽陵吁嗟倦寢興馬蹄凍溜石胡毳煖生冰雲沙
泱泱天光閉河塞陰沈海色凝崆峒北

一作異

國誰能託

蕭索邊心常不樂近見行人畏白龍遙聞公主愁黃鶴
陽春半岐路間瑤臺苑玉門關百花芳樹紅將歇二月
蘭皋綠未還陣雲不散魚龍水雨雪猶飛鴻鵠

一作雁山

山嶂絲連那

一作不

可極路遠辛勤夢顏色北堂萱草不

寄來東園桃李長相憶漢將紛紜攻戰盈胡寇蕭條幽
朔清韓昌拜節偏知送鄭吉驅旌坐見迎火絕煙沈左
一作右西極谷靜山空右一作左北平但得將軍能百勝不

須天子築長城

御定全唐詩卷一百八

欽定四庫全書

御定全唐詩卷一百九

李適之

李適之一名昌恒山王承乾之孫開元中累官通州刺史擢秦州都督轉陝州刺史入為河南尹拜御史大夫歷刑部尚書天寶元年代牛仙客為左相李林甫搆之罷知政事守太子少保尋貶宜春太守詩二首

朝退

朱門長不閉親友恣相過年今將半百不樂復一作待如

何

罷相作

本事云適之疎直坦夷為相時譽甚美為李林甫所搆及罷免朝客雖知無罪

謁問甚稀適之意憤日飲醇酎恣且為此詩林甫愈怒終遂不免

避賢初罷相樂聖且銜杯為一作借問門前客今朝幾箇

來

房琯

房琯字次律河南人則天時平章事融之子以門蔭補

弘文生開元中明皇將封岱岳瑄撰封禪書以獻張說
奇其才授祕書省校書郎又應堪任縣令舉為盧氏令
尋拜監察御史天寶初遷主客員外累憲部侍郎明皇
幸蜀瑄獨馳赴行在上大悅即日拜文部尚書同平章
事與左相韋見素等奉冊靈武因陳時事言詞慷慨肅
宗為之改容詔持節充招討節度等使後為賀蘭進明
所構罷相尋貶邠州刺史詩一首

題漢州西湖

高流纏峻隅城下緬丘墟決渠信浩蕩潭島成江湖結
宇依迴渚水中信可居三伏氣不蒸四達暑自徂同人
千里駕鄰國五馬車月出共登舟風生隨所如舉麾指
極浦欲極更盤紆繚繞各殊致夜盡情有餘遭亂意不
開即理還暫祛安得長晤語使我憂更除

李泌

李泌字長源京兆人七歲知為文明皇召令供奉東宮
肅宗即位叅預軍國大議拜銀青光祿大夫仍請還山

代宗朝召為翰林學士尋為杭州刺史德宗幸奉天徵授散騎常侍貞元中拜中書侍郎平章事封鄴縣侯集

二十卷今存詩四首

詠方圓動靜

明皇召見方輿張說觀碁命說試之詩即今咏方圓動靜泌曰願聞

其狀說曰方如碁局圓如碁子動如碁生靜如碁死泌即詠此說賀曰聖代嘉瑞也明皇大悅賜果餌衣物及綵數十

方如行義圓如用智動如逞才靜如遂意

長歌行

天覆吾地載吾天地生吾有意無不然絕粒昇天衢不
然鳴珂遊帝都焉能不貴復不去空作昂藏一丈夫一
丈夫兮一丈夫千生氣志是良圖請君看取百年事業
就扁舟泛五湖

奉和聖製中和節曲江宴百寮

風俗時有變中和節惟新軒車雙闕下宴會曲江濱金
石何鏗鏘簪纓亦紛綸皇恩降自天品物感知春慈恩

匝寰瀛歌詠同君臣

缺一
韻

奉和聖製重陽賜會聊示所懷

大唐造昌運品物荷時成
乘秋逢令節錫宴歡羣情俯

臨秦山川高會漢公卿
缺一韻未追赤松子且泛黃菊英

賡歌聖人作海內同休明

句

青青東門柳歲晏復憔悴
見鄴侯家傳良弓摧折久誰識

是龍韜見吟窗雜錄旋沫翻成碧玉池
添酥散出琉璃眼

茶賦

郭子儀

郭子儀華州鄭人以武舉起家後平安祿山史思明之亂累官至中書令封汾陽王賜號尚父年八十五卒贈太師謚忠武詩二首

享太廟樂章

唐書樂志曰代宗寶應已後續造享太廟樂章獻明皇用廣運之舞

肅宗用維新之舞代宗用保大之舞德宗用文明之舞順宗用大順之舞憲宗用象德之舞穆宗用和寧之舞武宗用大定之舞昭宗用咸寧之舞宣宗懿宗有舞詞而名不傳

廣運舞

於赫皇祖昭明有融惟文之德惟武之功河海靜謚車
書混同虔恭考饗穆穆玄風

保大舞

於穆文考聖神昭彰簫勺羣慝含光遠方萬物茂遂九
夷賓王懌懌雲韶德音不忘

御定全唐詩卷一百九

欽定四庫全書

御定全唐詩卷一百十

張諤

張諤景龍中登進士第仕為陳王掾岐王範雅好儒士
諤與閻朝隱劉庭琦鄭繇等皆從之遊賦詩飲酒後坐
貶山荏丞詩十二首

百子池

一有懷
古二字

舊聞百子漢家池漢家淶水今逶迤宮女厭鏡笑窺池

身前影後不相見無數容華空自知

東封山下宴羣臣

萬里扈封巒羣公遇此歡慢城連夜靜霜

一作雲

仗滿空

寒輦路宵煙合旌門曉月殘明朝陪聖主山下禮圓壇

三日岐王宅

玉女鬢妃生髮媿始發聲金盃浴未了綉子繡初成翡翠雕芳縵真珠帖小纓何時學健步鬪取落花輕

滿月

社金流茂祉庭玉表竒才竹似因談植蘭疑入夢栽烏
將八子去鳳逐九雛來今夜明珠色當隨滿月開

岐王山亭

王家傍綠池春色正相宜豈有樓臺好兼看草樹竒石
榴天上葉椰子日南枝出入千門裏年年樂未移

岐王席上詠美人

半額畫雙蛾盈盈燭下歌玉杯寒意少金屋夜一作治情

多香艷王分帖裙嬌敕賜羅平陽莫相一作漫妬喚出不

如他

還京

一作廣陵送別宋負外佐越
鄭舍人還京一作韋述詩

朱紱臨秦望皇華赴洛橋
文章南渡越書奏北歸朝樹
入江雲盡城銜海月遙
秋風將客思川上晚蕭蕭

贈吏部孫員外濟

天子愛賢才星郎入拜來
明光朝半下建禮直初迴
名帶含香發文隨綺幕開
披雲自有鏡從此照仙臺

送李著作倅杭州

輟史空三署題輿佐一方
祖筵開霽景征陌直朝光
水陸風煙隔秦吳道路長
佇聞敷善政邦國詠惟康

九日

秋來

一作天

林下不知春一種佳遊事也均絳葉從朝飛

著

一作盡

夜黃花開日未成旬將曛

一作街

陌樹頻驚鳥

一作馬

半醉歸途數問人城遠

一作外

登高併九日茱萸凡

作幾年新

延平門高齋亭子應岐王教

花源藥嶼鳳城西翠幙紗窗鶯亂啼昨夜蒲萄初上架
今朝楊柳半垂堤片片仙雲來渡水雙雙燕子共銜泥
請語東風催後騎併將歌舞向前谿

九日宴

秋葉風吹黃颯颯晴雲日照白鱗鱗歸來得問茱萸女
今日登高醉幾人

劉庭琦

劉庭琦開元時人終雅州司戶詩四首

從軍

朔風吹寒塞胡沙千萬里
陣雲出岱山孤月生海水
決勝方求敵銜恩本輕死
蕭蕭牧馬鳴中夜拔劍起

奉和聖製瑞雪篇

紫宸飛雪曉
裴回層閣重
門雪照開九衢
晶耀浮埃盡
千品差池
贄帛來何處
田中非種玉
誰家院裏不生梅
埋雲翳景無窮已
因風落地吹還起
先過翡翠寶房中
轉入鴛鴦金殿裏
美人含笑出
睽翩豔逸相輕鬪
容止

羅衣點著渾是花玉手搏來半成水奕奕紛紛何所如
頓憶楊園二月初羞同班女高秋扇欲照明王乙夜書
姑射山中符聖壽芙蓉闕下降神車願隨睿澤流無限
長報豐年貴有餘

詠木槿樹題武進文明府廳

物情良可見人事不勝悲莫恃朝榮好君看暮落時

銅雀臺

銅臺宮觀委灰塵魏主園林漳水濱即今西望猶堪思

况復當時歌舞人

鄭繇

鄭繇鄭州人嗣聖元年登進士第開元初為岐王長史
詩二首

失白鷹

白錦

一作畫

文章亂丹青羽翮齊雲中呼暫下雪裏放還

迷梁苑驚池驚陳倉拂野雞不知寥廓外何處獨依棲

一作別
依棲

經慈澗題

岸與恩同廣波將慈共深
涓涓勞日夜長似下流心

御定全唐詩卷一百十